

Albrecht Clein biszher gehabt haben, also daz Michil Schustir von synir gebure Snorripusch in vormundeschaft der frauwin reichin und bezalin sal 35 nuwe ß gr und sal om dy reichin und bezalen 15 nuwe schogk iczunt also bar. Daz andire sal er bezalen 5 ß uff allir heiligen tag, 5 ß uff daz nuwe jar nest dornach und daz hindirstellige, wenne daz husz Albrecht Clein vorkaufft wirt^{b)} und so er gelt doran hebit, sal er Snorripusch der hindirstelligen 10 ß gr auch bezalin an eyntag. Dy richtung beide partyen vorwillit und czu halden gereth und globit haben. Es hat auch frauwe Dorothea personlich in dy richtung gewillit, und so Michil Schuster Snorripusch des bezalit, vor uns ledig und loszgesagit. So hat Snorripusch dy 35 ß gr mit synem husze und mit Nickel Edelman vorwerit,^{c)} waz bruch an synem husze wurde vorburgit, daz Michil Schuster und syne erben dorumbe nicht sullin angelangit noch von nymande beteidigit werden.

a) folgt durchgestrichen snorr b) folgt durchgestrichen so sal er c) am linken Rand, Einfügestelle gekennzeichnet

1038.

ohne Datierung

Einigung zwischen dem jungen Wunderlich und seinem Stiefvater über ein Haus.

fol. 194v Der junge Wundirlich hat bekanth, daz er mit synem stifvater durch ir beidir frunde gutlichin beteidigit sey von wegen der behuszung, dy syne eewirtin czu om bracht und der czweiteil, dy er synen stifkinder abgekaufft hat, also daz den selben synem stifson reichen und geben sal 4 ß gr uff tagzeit, als dy biderweluthe beteidigit sint. Und der junge Wundirlich sal eyne were seyn vor synen swagir, ab er angelangit wurde, daz er on des schadinlosz halden wil und dy were mit Heynrich Burgkart und Kuncz Nailsmide vorburgit, dy were stet und unvorbruchlich halden. Auch hat Feustil bekanth, daz om seyn stifsweyer syne gebure 7 ½ alt ß gr uszgericht und bezalt hat. Gereth und globit vor on und syne huszfrau eyne were czu seyn und ðn dorumbe vordir nicht anzulangen, nach czu beteidigen an allen eyntag und arge list.

1039.

ohne Datierung

Albrecht Ernegkir übernimmt eine Bürgschaft.

fol. 195r Albrecht Ernegkir ist vor Progkisch keyn eyn rathe burge und selbschuldig worden pro 20 alde ß gr und czinsze doruff gegangen, daz er uff Walpurgis hauptgelt und czinsze uszrichten sal. So hat Fungkinsteyn